

醫綱總樞卷之三

中風

廣東新會陳珍閣著

中風之症。泥古作中風之名。病非中風之論。卽如古人之論。各拘已見。並無一人能說明病之本源。夫本源不真。立方焉能取效。卽如靈樞經言曰。虛邪偏客於身半。其入深者。內居榮衛。榮衛衰。則真氣去。邪氣獨留。發爲偏枯。素問曰。風中五臟六腑之俞。所中則爲偏風。仲景曰。風之爲病。則令人半身不遂。此三書立論。本源專主於風。劉河間曰。中風者。乃內火暴甚。水枯莫制。心神昏昧。卒倒

無所知。此論專主於火。李東垣云。中風者氣虛而風邪中之也。有中臟中腑中血脉之分。此論專主於氣虛感風。朱丹溪云中風者。因氣血先虛。濕生痰。痰生熱。熱生風也。此論專於濕痰。至於王安道論中風。則分真中風類中風。以靈素仲景所言是真中風。朱李劉張所言是類中風。虞天民論中風。則謂因氣濕痰火挾風而作。並無真中類中之別。論中風者。不可指屈。云風云火云氣云痰。各有所宗。思斯病者。不惟病家無所主。學者亦不知其誰是也。總之不經剖驗。虛測難知。余嘗適南洋醫院。剖驗死尸最多。凡有抱病致死而剖驗者。無不留心細察。見中風者。其腦忽聚多血。血壓腦

原书缺页

原书缺页

干羌玉桂人參附子炙甘草鹿茸杜仲若是腦内生瘡膿血壓腦則必頭痛日久若因跌打而起則有跌打之見證皆按瘡科跌打而論治多不可救

喘證

喘之爲病小息管之氣逆也。夫息管之氣有元氣。有天氣。元氣以接呼吸。天氣以運血脉。只宜通暢不可窒逆。息管窒逆則收縮不行。呼吸短促。衛筋抽搐不安。則爲喘矣。蓋其喘也有因風寒窒逆而喘者。證見發熱頭痛惡寒發汗。內無熱證相兼。當用麻黃定喘湯以汗之。麻黃北杏只壳桔梗橘紅紫蘇甘草有痰飲阻其息管而喘者。證見吐咯痰多。氣喘有聲。治用化痰湯以降之。蘇子陳皮膽星半夏茯苓白朮橘紅甘草有食滯

之氣閉塞息管而喘者證見胸腹飽悶。噎腐吞酸治用保和丸以

消之。楂肉彩麴半夏茯苓有氣虛而喘者。證見動則氣促。靜則安

然。困倦無力治則獨參湯以補之。人參壹兩有大虛將脫息管不

接而喘者。證見氣逆不眠。張口擡胸有出無入。目睛凸露。唇色紫

黑。治宜大補陰陽湯以維之。人參黃耆杞子當歸川芎總治止喘

之法。用擦油法。用熱油擦新製吸氣法以止之。用火硝化水浸鴉

氣入。麻黃叁錢蘇葉壹錢陳皮佛手叁錢又方。薄荷一錢細辛一錢用水二碗煎滾乘熱用竹管吸氣

肺內。進肺內

哮喘證

哮之爲病。肺內衛筋不舒也。其症大畧與喘證相似。初病之來亦不外乎氣虛風寒痰飲食滯四者而已。治同喘證之一法。至於日久氣虛。必以大補氣血爲主。次用丁香丸止之。

丁香鴉片樟腦金雞納霜顛茄

頭痛

頭痛之證。病各不同。內外感傷。各有所因。治者不可不細詳也。有外感風濕溫暑燥寒而頭痛者。必有發熱項強脉浮之表症。當按外感而論治。有頭内生瘡。或頭骨生大。或腦胞變厚。或生骨壓腦而頭痛者。必然由輕至重。日甚一日。痛刺難忍。症多難治。有血結而頭痛者。證見頭熱面赤。耳癢目赤。而見光點。脉數有力。此血熱

上衝也。治宜活血。血府逐瘀湯主之。方見血瘀甚則刺破出血。以洩其

結。有血虛而頭痛者。證見面青唇白。頭角刺痛。遇勞更甚。脉小而

弱。此血不營筋也。治宜補血。滋營湯主之。方見血虛有胃氣鬱滯而頭

痛者。證見痛在午前。夜晚尤甚。飽時劇痛。饑畧漸止。時吐酸水。舌

胎黃厚。口出臭氣。大便結。食入即吐。吐盡乃止。脉實有力。此胃氣

不行也。治宜消導。大承氣湯。方見飲食之熟滯加麥芽神麴萊菔以下之。

有衛筋痛而頭痛者。必無表裏之症。又無虛實之脉。其痛或偏左。

或偏右。痛在一處。痛無增減。或痛有一定之時。此衛筋不安也。治

宜舒筋。鴉片樟腦酒。鴉片八角油各一錢樟腦七分酒二十四兩用一錢服之即止。如痛有

一定之時則用金雞納霜治之。有脚氣上衝而頭痛者則必每日
脚氣成病。忽然離脚纏頭。治當因症用藥。另加覆花木瓜牛七以
降之。至於氣虛氣鬱腦病胃病皆能頭痛。因證用藥不能預擬也。

發熱身熱潮熱

身發大熱。熱時頭面皆紅。或半日或片時。漸漸熱退身和。是爲發
熱身熱如火。日夜不減。或熱畧減。已而又熱。是爲身熱身帶微熱。
熱必以時。是爲潮熱。此三症之分也。發熱屬外感。身熱屬氣熱。潮
熱屬虛鬱。此三症之屬也。大抵初病而熱則病淺。久病而熱則病
深。如熱不休則病危。其所以爲熱者。內氣上蒸也。內外感傷皆有。

此三症不能盡述也

牙痛

牙者骨之餘。其養牙者血也。其齧乃衛筋纏之。然其爲病。亦各有因。蓋齒痛而腫。外有惡寒發熱之表證。內有口渴溺赤之裏熱。是風火牙痛也。治宜清火散表。清火散邪湯主之。胆草柴胡黃芩枝子知母杏仁荆子白芷青蒿荆芥有血虛火動。夜間作痛。唇淡口和。治宜補血降火。滋血降火湯主之。當歸生地丹皮蘇木五味川芎白芷有精虛火動。齒動而浮。隱隱作痛。治宜滋水。六味地黃湯主之。熟地淮山茯苓丹皮澤瀉黃肉有牙蟲蛀爛。痛如刀刺。痛在一處。治宜殺蟲殺牙蟲。散擦之。雄黃細辛五倍樟腦

咳症

咳嗽為病。息管受病也。咳與嗽不相同。有聲無痰。而聲不連者曰咳。有聲有痰。而聲相連者曰嗽。惟其咳者。虛鬱居多。良由息管氣逆。由氣不舒。有精虛血毒。氣鬱三因。久則迸裂血管。漸成咳血之症。虛癆之病矣。蓋精虛之病。必有精虛之見證。見精虛且午後咳氣

猶多。此陰虛火動也。治宜滋陰降火。紫苑地黃湯。

紫苑熟地淮山茯苓澤瀉元參

白芍龜膠鱉甲牛七柿蒂橘紅

血毒之症。多因撞紅而起。挾火上浮。息管之間證。

見初起腰膝疼痛。久而成咳。多不可治。只用紫苑地黃湯。加菴仁。

赤芍以化之。或魚肝油。

此物出於外洋。洋人藥舖處治。

以調之。

每次服五錢。一日服三次。

氣鬱。

之症必有鬱火氣結之見證治按氣結鬱火而調之可愈矣。

嗽症

嗽之爲病多因外邪尅於息管阻氣不得升降。有久暫寒熱虛實之不同。初起嗽症有風寒風熱之分。風寒之症必鼻塞噴嚏流涕。則按感風感寒而論治。風熱之症火灼血燥其症乾嗽無痰。夜晚尤甚。喉痛聲嘶發熱喉痛。周身拘痛。數日後嗽出痰多而稠。熱退痛減而嗽漸愈。此爲輕症。若重則寒熱交作。胸痛氣緊。肺內發燒或嘔累胃或瀉。累腸發燒越十日八日或十餘日痰出熱退。斯爲漸愈。甚則愈而復作。纏綿不愈。日久成癆。良由息管內皮爲風熱所閉。小血

管被灼。發為紅熱腫痛。火灼息管。故液乾無痰。久則熱退液生。痰
出病愈。若愈而復作。由氣虛鬱所致。至於鬱久則氣留。氣留則血
滯。血滯則氣痰成毒。腐肺成癆。治之者。凡風正盛。喉管腫痛。吞咽
艱難。宜清火散表。引火下行為主。清肺飲。蘇葉薄荷陳皮北杏沙參銀杏瓜蒌散
瓜蒌仁鵝片朴硝主之。外用芥末貼胸膛。貼至皮起紅熱為度。嗽時以薄
荷油擦覆盆穴。若嗽延日久。變虛。當分其寒熱而調之。如挾熱則
聲緊痰少。治用熱咳挾虛方主之。蘇子柿蒂冬花前胡紫蘇生地
淮山洋參玉竹沙參元參北杏
如挾寒則聲緩痰多。夜晚尤甚。治用寒嗽挾虛方。細辛羌活干羌
骨紅覆花人參
干朮歸身以調之。總之嗽症最難立止。必俟風氣消除而嗽方能
杞子熟地

醫經綱目卷三
自止間有腸胃生蟲。肝脾不安。亦能累肺咳嗽。此在乎臨雍者辨之。

吐血

血從咽出。吐來極多。吐出鮮紅。稍則棕黑。或與食物齊出。名曰吐血。吐血之症。其因有七。一因胃中大熱。逼血妄行而致者。一因乳瘡潰爛。血管而致者。一因跌打斷裂血管而致者。一因血管自流。而非壞者。一因肝脾生大血路管滿溢入胃而致者。一因血汁稀薄。胃氣不攝而洩出者。一因婦女月經逆行而致者。然此七因病各不同。血屬胃中。色必棕黑。因胃中血路多而脉管少。所出之血。

血路居多。血路之血色黑。此一據也。血洩胃中與胃津相和。胃津能令黑血。此二據也。是故胃血與肺血有別。肺血咳出色紅。有痰相兼而血少。胃血吐出色黑。有食物相兼而血多。間有胃血自肛門出。則與痢痔之血又不同。痢痔之血色紅不黑。且有膠相雜而腸刺痛。胃血則不然。以此爲別也。蓋胃中大熱。逼血妄行而吐者。證見口渴引飲。面赤唇焦。便結。脉洪大而數。治用葛根石膏湯以清之。干葛石羔黃芩梔子芥穗丹皮生地甚則加羚羊犀角以降之。若吐過多。身冷脉遲。元陽已傷。又須用六味回陽飲。加歸地以灌之。人參附子干羌炙甘歸身熟地如乳瘡潰爛。血管而吐者。則吐出腥臭。多不可治。如跌打損傷。

而吐者。自止可治。不止難痊。自止之後。分其虛鬱而調之。如血管
自流而吐者。與肝脾生大血路滿溢而吐者。則獨見吐一二次。無
別症相兼。此不用治也。如血汁稀薄。胃氣不攝而吐者。則血出稀
淡。懶言肢困。用滋營湯。方見血虛重加人參以補之。如婦女月經逆行
而吐者。則每月吐一二次。此不用治。亦不能治。總之吐血初起。症
非實熱。須用法以止之。如陳京墨汁。白芨末。白礬水。扁栢葉之類。
忌用薑酒煎炒之物。

咳血

咳血之症。病原屬肺。緣血洩入息管。阻塞管路。呼吸艱難。欬之而